

ՀԱՅ ԴԱՏԻ ԿԵՆՏՐՈՆԱԿԱՆ ՅԱՆՁՆԱԽԱՐԻ ՆԵՐԿԱՅԱՑՈՒՑԻՉԸ ՀԱՆԴԻՊՈՒՄ Է ՎԱՐՉԱՊԵՏԻՆ

Հայաստանի Հանրապետության նախարարների Խորհրդի նախագահ Վազգեն Մանուկեանը, երեքշաբթի, Մայիսի 7ին, ընդունեց Հայ Յեղափոխական Դաշնակցության Հայ Դատի կենտրոնական յանձնախմբի ներկայացուցիչ Հրայր Պալեանին և Հ.Յ.Դ. Հայաստանի Կենտրոնական կոմիտեի ներկայացուցիչ Ռուբեն Յովսեփեանին:

Հանդիպման ժամանակ Պալեանը զեկուցեց վարչապետին Գետաշենի բնակչության դեմ խորհրդային կենտրոնական իշխանությունների և ադրբեջանական ուժերի կատարած անմարդկային արարքների ու Հայաստանի սահմանամերձ շրջանների վրայ կատարած յարձակումների կապակ-

ցութեամբ Հայ Դատի յանձնախմբի ձեռնարկած աշխատանքների մասին:

Վարչապետը յաւելեալ տեղեկութիւններ տուեց հայրենի իշխանութեան դիմագրաւած ճգնաժամի գծով:

Հայ Դատի յանձնախմբի ներկայացուցիչը վարչապետին յայտնեց, թէ կազմակերպութիւնը իր ամբողջ կարելիութիւնները դնում է հայրենի իշխանութեան տրամադրութեան տակ:

Հ.Յ.Դ. Հայաստանի Կենտրոնական կոմիտեի ներկայացուցիչ Ռուբեն Յովսեփեանը իր կարգին կրկնեց իր կուսակցութեան պատրաստակամութիւնը թիկունք կանգնելու հայրենի իշխանութեանը՝ դիմագրաւելու համար ճգնաժամը: